



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CXLVIII. Superiores Regulares, etiam Locales Ordinis Servorum B. M. V.
facultate gaudent Ecclesiastica Indumenta ad hujus Ordinis ecclesias
pertinentia benedicendi, dummodo in benedictione hujusmodi ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

ad quos nunc spectat, & pro tempore quomodolibet spectabit in futurum in omnibus, & per omnia plenissime suffragari, sicque, & non alias per quoscunque Judices Ordinarios, vel delegatos, quavis auctoritate fungentes, etiam Causarum Palatii Apostolici Auditores, ac dicti Ordinis pro tempore existentem Protectorem, ac alios quoscunque ejusdem S. R. E. Cardinales etiam de Latere Legatos, Vice-Legatos, dictæque Sedis Nuncios, sublata eis, & eorum cuilibet quavis aliter judicandi, definiendi, & interpretandi facultate, & auctoritate, judicari, definiri, & interpretari debere, & si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Derogat obstantibus.

§. 7. Non obstantibus quatenus opus sit nostra, & Cancellariæ Apostolicæ Regula de Indulgentiis concedendis ad instar, aliisque etiam in synodalibus, Provincialibus, Generalibus, Universalibusque Conciliis editis, vel edendis specialibus, vel generalibus Constitutionibus, & Ordinationibus Apostolicis, privilegiis quoque, Indultis, & literis Apostolicis quibuscumque personis etiam in genere, vel in specie in contrarium præmissorum quomodolibet concessis, approbatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua exquisita forma ad hoc servanda foret, eorum tenores, præsentibus pro plene, & sufficienter expressis habentes, illis alias in suo robore permanentibus latissime, & plenissime, ac specialiter motu, scientia, & potestatis plenitudine similibus derogamus, ceterisque contrariis quibuscumque.

Coronas vendi prohibet sub pena cessationis Indulgentiarum. Transumptis harum literarum credi jubet.

§. 8. Volumus autem, quod præfata Coronæ nemini possint vendi, nec commodari, & si secus fiat, Indulgentiæ pro illarum recitatione, ut præfertur concessæ, & impartitæ cessent, nulliusque sint roboris, vel momenti, quodque earundem præsentium transumptis, etiam typis impressis, manu alicujus Notarii publici subscriptis, & Sigillo alicujus personæ in Ecclesiastica dignitate constitutæ munitis eadem prorsus fides in Judicio, & extra illud adhibeatur, quæ eisdem præsentibus adhiberetur si illæ exhibitæ forent, vel ostensa.

Firmitas concessionum.

§. 9. Nulli ergo omnino hominum liceat hanc paginam nostræ relationis, concessionis, impartitionis, confirmationis, approbationis, declarationis, Indulti, Decreti, derogationis, & voluntatis infringere &c.

Dat. die 9. Decem. 1734. An. V.

Datum Romæ apud Sanctam Mariam Majorem Anno Incarnationis Dominicæ Millesimo Septingentesimo trigésimo quarto, quinto Idus Decembris, Pontificatus nostri Anno V.

CXLVIII.

Superiores Regulares, etiam locales Ordinis Servorum B. M. V. facultate gaudent Ecclesiastica Indumenta ad hujus Ordinis Ecclesias pertinentia benedicendi, dummodo in benedictione hujusmodi Sacri Olei unctio non adhibeatur.

CLEMENS EPISCOPUS

Servus Servorum Dei. Ad perpetuam rei memoriam.

Proœmium.

Superna dispositione, cujus inscrutabili providentia ordinationem suscipiunt universa, in Apostolica S. collocati de Religiosis viris, qui sub peculiaribus Instituti Deo ferventius famulantur, præcipuam gerimus curam, illosque privi-

legiis augere, ac favoribus prosequi satagimus opportunis.

§. 1. Cum itaque, sicut accepimus, Ordo dilectorum filiorum Fratrum Servorum B. Mariæ Virginis nuncupatorum a suis primordiis ad hæc usque tempora Catholicæ Ecclesiæ admodum utilis, & fructuosus extiterit, ac dilectus filius noster Petrus Maria tituli S. Joannis ante Portam Latinam nuncupati S. R. E. Presbyter Cardinalis Pieri nuncupatus, qui Ordinem ipsum expresse professus Prioris Generalis, & nonnulla alia dicti Ordinis munera atque Officia laudabiliter sustinuit, dum suas preces pro quibusdam gratis spiritualibus favore dictorum Fratrum, & Ecclesiarum ab eis administratarum ab Apostolica Sede reportandis nobis humiliter porrexerit. Et nos ad præmissorum effectum particularem videlicet dilectorum etiam filiorum nostrorum Antonii Xaverii de Gentilibus Pro-Datarii nostri, & Joannis Antonii Guadagni nostri in Urbe, ejusque Districti Vicarii in spiritualibus generalis, ac Marcelli Paseri respective nuncupatorum nostri Pro-Auditoris respective Presbyterorum ejusdem S. R. E. Cardinalium Congregationem, assignato illi in Secretarium, V. F. N. Carolo Alberto Cavalchini moderno Archiepiscopo Philippensi Apostolica auctoritate deputaverimus, eidemque Congregationi sic a nobis, ut præfertur, deputatæ opportunas ad id facultates concesserimus. Deinde vero sub die 31. mensis Maii proxime præteriti Antonius Xaverius, & Joannes Antonius, ac Marcellus Cardinales præfati insimul congregati, & re mature discussa inter alia infrascriptum Indultum per Nos concedendum censuerunt; postmodum vero dictus Carolus Albertus Archiepiscopus relationem dictæ Congregationis, & eorum, quæ in illa ab Antonio Xaverio, & Joanne Antonio, ac Marcello Cardinalibus præfatis pertractata, quæque a nobis concedi posse eis visa fuerunt sub die 11. mensis Augusti etiam proxime præteriti nobis fecerit.

Ad preces Cardin. Pieri instituta Cardinalium Congregatio ad examinandum quas gratias spirituales huic Ordini concedi conveniret.

§. 2. Nos, qui erga dictum Ordinem peculiarem devotionis affectum semper gessimus, ejusdemque Ordinis Protectoris munus olim a bo. me. Nereo dum viveret ejusdem S. R. E. Cardinale Corsini nuncupato Patruo nostro obtentum, dum Cardinalatus honore fungebamur per plures annos egimus, & ad Summi Apostolatus apicem divina favente clementia assumpti, quoad vivemus, retinendum duximus, quique quando Deo placuerit, vita functi fuerimus, ad illud obeundum dilectum etiam filium nostrum Nereum dictæ S. R. E. Diaconum Cardinalem etiam Corsini nuncupatum nostrum secundum carnem ex fratre germano nepotem per literas Apostolicas in forma Brevis sub annulo Piscatoris desuper expeditas Apostolica auctoritate deputavimus; Petrum Mariam Cardinalem ac Fratres Ordinis hujusmodi specialibus favoribus, & gratis prosequi volentes Motu proprio, & ex certa scientia, ac matura deliberatione nostris; deque Apostolicæ potestatis plenitudine, & ex voto Congregationis particularis hujusmodi, quod omnes, & singuli Superiores regulares, etiam locales, dicti Ordinis indumenta, & paramenta Ecclesiastica ad dicti Ordinis Ecclesias tantum spectantia, dummodo in eis Sacri Olei unctio non adhibeatur, rite benedicere libere, & licite possint, & valeant, Apostolica auctoritate, tenore præsentium perpetuo concedimus, & indulgemus.

De hujusmodi Congregationis consilio Superioribus localibus hujus Ordinis facultatem tribuit benedicendi sacros Apparatus.

§. 3. Præsentibus quoque literas nullo unquam tempore de subreptionis, vel obreptionis aut nullitatis vitio, vel intentionis nostræ, vel alio quantumvis substantiali defectu notari, impugnari, vel annullari posse, sed illas semper, perpetuo validas, & efficaces fore, & esse, suosque plenarios, & integros effectus sortiri, & obtinere, & omnibus, ad quos nunc spectat, & pro tempore quomodolibet spectabit in futurum, in omnibus, & per

Firmitas concessionis.

omni

Obstantium
derogatio.

omnia plenissime suffragari: Sicque, & non alias per quoscumque Judices ordinarios, vel delegatos, quavis auctoritate fungentes, etiam causarum Palatii Apostolici Auditores, ac dicti Ordinis pro tempore existentem Protectorem, ac alios quoscumque ejusdem S. R. E. Cardinales de latere Legatos, Vice-Legatos, & Apostolicæ Sedis Nuncios, sublata eis, & eorum cuilibet quavis aliter judicandi, definiendi, & interpretandi facultate, & auctoritate, judicari, diffiniri, & interpretari debere, & si secus super his a quocumque quavis auctoritate scienter, vel ignoranter contigerit attentari, irritum, & inane decernimus.

§. 4. Non obstantibus quatenus opus sit etiam in Synodaliibus, Provincialibus, Generalibus, Universalibusque Conciliis editis, vel edendis specialibus, vel generalibus, constitutionibus, & ordinationibus Apostolicis, privilegiis quoque, indultis, & literis Apostolicis quibuscumque personis etiam in genere, vel in specie in contrarium præmissorum quomodolibet concessis, approbatis, & innovatis. Quibus omnibus, & singulis etiam si de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio facienda, & habenda, aut aliqua alia exquisita forma ad hoc servanda foret, eorum omnium, & singulorum tenores, eisdem præsentibus, etiam pro plene, & sufficienter expressis habentes, illis alias in suo robore permansuris latissime, & plenissime, ac specialiter, & expresse motu, scientia, & potestatis plenitudine similibus derogamus, ceterisque contrariis quibuscumque.

Volumus autem earumdem præsentium transcriptis, etiam typis impressis manu alicujus Notarii publici subscriptis, & Sigillo alicujus personæ in Ecclesiastica dignitate constitutæ munitis, eadem prorsus fides in Judicio, & extra illud adhibeatur, quæ eisdem præsentibus adhiberetur, si illæ exhibitæ forent, vel ostensa.

§. 5. Nulli ergo omnino hominum &c.

Datum Romæ apud Sanctam Mariam Majorem Anno Incarnationis Dominicæ millesimo septingentesimo trigésimo quarto, quinto Idus Decembris, Pontificatus nostri Anno V.

Clauſula
præſervati-
væ.
Dat. die 9.
Decem. 1734.
An. V.

CXLIX.

Facultas PP. Capuccinis Gallis Missionariis Apostolicis in partibus Infidelium degentibus exercendi artes Medicinæ, & Chirurgiæ.

C L E M E N S P P . X I I .

Ad futuram rei memoriam.

Supplicatum
PP. pro dif-
finitione
ab observan-
tia Regulæ
quoad hoc
caput.

§. 1. CUM, sicut dilectus filius Cherubinus de Noves Frater expresse professus Ordinis Minorum S. Francisci Capuccinorum nuncupatorum, ac Missionum exterarum eorumdem Capuccinorum Gallorum in partibus Infidelium degens in Romana Curia Procurator nobis nuper exponi fecit, præfati Missionarii Galli in eisdem partibus elaborantes Medicinæ, & Chirurgiæ artibus tum Catholicorum, & quos in fide consolidant, tum Infidelium, quos non raro ad veritatis cognitionem adducunt, benevolentiam sibi concilient; Id vero per Constitutiones Ordinis prædicti Cap. V. auctoritate Apostolica confirmatas omnibus expresse prohibeatur, ne artes hujusmodi extra ordinem exercent. Nobis propterea dictus Cherubinus humiliter supplicari fecit, ut in præmissis opportune providere & ut infra indulgere de benignitate Apostolica dignaremur.

§. 2. Nos igitur ipsius Cherubini desiderio hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis,

Concessio,
de qua in
Rubrica.

a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum harum serie absolventes, & absolutum fore censentes, hujusmodi supplicationibus inclinati, Fratribus Missionariis Gallis Missionum exterarum dicti Ordinis artium Medicinæ, & Chirurgiæ hujusmodi peritis, etiam in Sacro Presbyteratus Ordine constitutis in memoratis partibus Infidelium nunc, & pro tempore commorantibus de Superiorum suorum licentia, dummodo in illis locis nullus adsit Medicus, vel Chirurgus Sæcularis, qui Infirmis in eorum Infirmitatibus medeatur, artes Medicinæ, & Chirurgiæ præfatas juxta illarum præcepta ad commodum, & utilitatem Catholicorum in partibus Infidelium hujusmodi nunc, & pro tempore existentium duntaxat, gratis tamen, & sine ulla prorsus mercede ac in casu necessitatis tantum exercere, ac medicamenta, & alia necessaria præbere libere, & licite, ac sine ullo Conscientiæ scrupulo, vel irregularitatis, alteriusve pœnæ, vel censure Ecclesiasticæ incursum possint, & valeant, auctoritate Apostolica tenore præsentium concedimus, & indulgemus.

§. 3. Non obstant. Apostolicis, ac in Universalibus, provincialibusque Conciliis editis generalibus, vel specialibus Constitutionibus, nec non dicti Ordinis, etiam Juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum, hac vice duntaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub annulo Piscatoris die 5. Jan. 1735. Pont. nostri Anno V.

F. Card. Oliverius.

Obstantium
derogatio.Dat. die 5.
Januarii 1735.
An. V.

Indulgentia plenaria perpetua pro Visitantibus aliquam ex Ecclesiis Fratrum Ordinis Minorum S. Francisci Conventualium nuncupat. vere poenitent. & confessis ac Sacra Communione refectis, tam hæcenus erectis, quam imposteriorum erigendis die festo SS. Martyrum Berardi, Petri, Accursii, Adjuti, & Othonis.

CL.

C L E M E N S P P . X I I .

Ad perpetuam rei memoriam.

Universis Christianis fidelibus presentes literas inspecturis Salutem, & Apostolicam Benedictionem.

Celestium munerum thesauros, quorum dispensationem humilitati nostræ credidit divina dignatio, libenter erogamus, sicut ad fovendam, incitandamque fidelium erga Sanctos in Cælis cum Christo regnantes devotionem salubriter expedire in Domino arbitramur.

§. 1. Supplicationibus itaque dilectorum filiorum Vincentii de Comitibus Ministri, & Joannis Baptistæ Minucci Procuratoris Generalium Ordinis Fratrum Minorum S. Francisci Conventualium nuncupatorum nomine nobis super hoc humiliter porrectis inclinati, ac de Omnipotentis Dei Misericordia, & BB. Petri, & Pauli Apostolorum ejus auctoritate confisi, omnibus, & singulis utriusque sexus Christianis fidelibus vere poenitentibus, & confessis, ac Sacra Communione refectis, qui aliquam ex Ecclesiis Fratrum dicti Ordinis hæcenus erectis, ac imposteriorum erigendis,

Exordium.

Concessio
Indulgentia-
rum de qui-
bus supra.